



# HORIZONTAL FACILITY FOR WESTERN BALKANS AND TURKEY

## Mbështetja e mjeteve të brendshme efektive për zbatimin e vendimeve të GjEDNj-së

Si pjesë e kuadrit të bashkëpunimit midis Bashkimit Evropian dhe Këshillit të Evropës “Horizontal Facility” për Ballkanin Perëndimor dhe Turqinë, Këshilli i Evropës po zbaton projektin “Mbështetja e mjeteve të brendshme për zbatimin efektiv të vendimeve të GjEDNj-së dhe atyre të brendshme” në Shqipëri, në bashkëpunim të ngushtë me Ministrinë e Drejtësisë, Zyrën e Avokaturës së Shtetit, Agjensinë e Trajtimit të Pronave, Gjykatën Kushtetuese, Gjykatën e Lartë, Prokurorinë e Përgjithshme, Shkollën e Magjistraturës, Shkollën e Avokatisë, si dhe shoqërinë civile të angazhuar në këtë fushë.

Më datë 1 Janar 2017, Gjykata Evropiane për të Drejtat e Njeriut (GjEDNj) numëroi 504 raste të regjistruara nga Shqipëria. Gjatë vitit 2016, Gjykata trajtoi 66 çështje të Shqipërisë, ku 44 prej tyre u shpallën të papranueshme ose u pushuan. Gjykata dha 10 vendime (në lidhje me 22 raste), ku u identifikua të paktën një shkelje e Konventës Evropiane për të Drejtat e Njeriut (KEDNj). Për rrjedhojë si pjesë e këtij projekti, do të kryhet një vlerësim i cili do të pasojë me hartimin dhe zbatimin e programeve trajnuese mbi standartet e KEDNj-së. Në vijim të rekomandimeve të Progres Raportit të BE-së 2016, kapitulli 23, projekti gjithashtu mbështet rishikimin e mjeteve të brendshme për të siguruar zbatimin me efektshmëri të vendimeve gjyqësore si dhe të atyre administrative.

Projekti do të zgjasë për 20 muaj duke filluar nga data 1 Janar 2017. Buxheti i projektit është 700.000 Euro.

## Objekti i Projektit

Objekti i përgjithshëm i Projektit synon të përmirësojë aftësitë e sistemit gjyqësor për të zbatuar jurisprudencën e GjEDNj-së në nivel kombëtar, si dhe për të aftësuar profesionistët në fushën e ligjit të zbatojnë me efektivitet masat që lehtësojnë zbatimin e vendimeve gjyqësore të brendshme. Projekti adreson në veçanti zgjatjen e proceseve gjyqësore përtej afatit të arsyeshëm (Komponenti 1), sfidat e lidhura me procesin e kthimit/kompensimit të pronave (Komponenti 2), si dhe procesin e rregullt ligjor në çështjet penale (Komponenti 3).

Objektivat specifike për komponentët e projektit do të arrihen në përbushje të këtyre **rezultateve të pritshme**:

### Rezultatet e pritshme për komponentin 1:

- ✓ Identifikimi i mangësive në lidhje me moszbatimin e gjykimeve të brendshme dhe tejzgjatjen e procedurave, si dhe propozimi i mjeteve të brendshme efektive;
- ✓ Rritja e kapaciteteve të Shkollës së Magjistraturës për të hartuar dhe zbatuar kurrikula trajnimi mbi të drejtat dhe standartet evropiane për drejtat e njeriut;
- ✓ Zhvillimi i mëtejshëm i aftësive të profesionistëve në fushën e ligjit për të interpretuar dhe zbatuar dispozitat e Nenit 6§1 të KEDNj-së.

Horizontal Facility for Western Balkans and Turkey

Funded  
by the European Union  
and the Council of Europe



Implemented  
by the Council of Europe

<http://horizontal-facility-eu.coe.int>



# HORIZONTAL FACILITY FOR WESTERN BALKANS AND TURKEY

## Rezultatet e pritshme për komponentin 2:

- ✓ Dhenia e asistencës teknike për të mundësuar që mekanizmi për ekzekutimin e vendimeve në lidhje me kompensimin ose kthimin e pronave të jetë i qartë dhe efektiv;
- ✓ Vlerësimi i masave legjislative në lidhje me moszbatimin e vendimeve gjyqësore dhe administrative për çështjet që lidhen me kthimin/kompensimin e pronave;
- ✓ Përmirësimi i njohurive të profesionistëve në fushën e ligjit mbi zbatimin e vendimeve që lidhen me kthimin/kompensimin e pronave.

## Rezultatet e pritshme për komponentin 3:

- ✓ Ofrimi i asistencës teknike dhe propozimeve për amendimet e mundshme në legjislacionin penal mbi rishikimin/ rihapjen e proceseve penale në rastet e shkëljes së procesit të rregullt ligjor;
- ✓ Forcimi i kapaciteteve të Shkollës së Magjistraturës për trajnimin e gjyqtarëve dhe prokurorëve për rihapjen e proceseve penale në përputhje me procesin e rregullt ligjor;
- ✓ Rritja e kapaciteteve të gjyqtarëve dhe prokurorëve për të zbatuar kërkesat e Nenit 6 të KEDNJ-së dhe jurisprudencën e GjEDNJ-së në lidhje me rihapjen e proceseve penale në përputhje me procesin e rregullt ligjor.

## Informacion mbi skemën e bashkepunimit “Horizontal Facility”

Më datë 11 Prill 2016, Sekretari i Përgjithshëm i Këshillit të Evropës, Thorbjørn Jagland, dhe Komisioneri i Bashkimit Evropian për Politikën Evropiane të Fqinjësisë dhe Negociatave të Zgjerimit, Johannes Hahn, prezantuan iniciativën e re të bashkëpunimit të dy organizatave që ka për qëllim të mbështesë Evropën Jug-Lindore dhe Turqinë në përpjekjet e tyre për të përmbushur standardet evropiane. Kjo initiative quhet “Horizontal Facility” për Ballkanin Perëndimor dhe Turqinë. Kjo nismë është një program tre vjeçar (Maj 2016 – Maj 2019) që përqendrohet në tre fusha: sigurimi i drejtësisë, lufta kundër krimit ekonomik si dhe mbrojtja nga diskriminimi për grupet në nevojë. Buxheti i këtij instrumenti është 25 milion Euro nga të cilat 20 milion Euro janë financuar nga Bashkimi Evropian dhe 5 milion Euro nga Këshilli i Evropës. Nëpërmjet Horizontal Facility, Bashkimi Evropian dhe Këshilli i Evropës do të ndihmojnë vendet përfituese në Evropën Jug-Lindore dhe Turqi për të zbatuar standardet e Këshillit të Evropës dhe *acqui-në* e Bashkimit Evropian nëpërmjet një qasje të dyanshme që përfshin bashkëpunimin teknik dhe dhënien e ekspertizës. Horizontal Facility mbështetet në metodat e veçanta të punës ku aktivitetet e bashkëpunimit teknik bazohen në përfundimet dhe rekomandimet e organeve monitoruese të Këshillit të Evropës.

Council of Europe Office in Tirana  <http://horizontal-facility-eu.coe.int>  
Skanderbeg Square, Palace of Culture  [horizontal.facility@coe.int](mailto:horizontal.facility@coe.int)  
Tirana, Albania  [jp.horizontal.facility](https://www.facebook.com/jp.horizontal.facility)  
Tel: +355 44 54 0201  @CoE\_EU\_HF